

azadî

KOVARA MARKSÎSTA KURDÎ



ji azadî û serxwebinê kîrûmelltir
tîstek nîn e. (Ho Chi Minh)

hejmar 3

cotmeh 1978

KURDISTANA PIRSA YEKÎTİYA

Ji her du hêzên ku doza serokitiya tevgera rizgariya Kurdistana Iraqê dikan,PDK,di destê serokîtiyeke paşverû, leyistoka Iran û CIA yê,îndî bûye asêyî li ser riya pêşveçûna hêzên şoreşgerên Kurd.Serokên wê hin li Londonê hin li Washingtonê,hin li Tehranê bi mîlyon dolarên ku di dema "Şoreşê" de dabûn alî,bi yên ku hêjî ji Iran,Amerika,İsrail,hwd,ji wan re têr ji xwe re wek paşan,wek şêxên xwedî yên bîrên petrolê dijîn;ticareta belengazî û bindestiya gelê Kurd dikan.Ev serokatiya xiryayî,kevnare fro îndî hêlinâ axayên şer bazirgan,diz û keysperesta ye:Li dora wê,kesen bêbawerî,bê bingeh,loqo,qulipok,şorbegec diçin û têr.Me di hejmara xwe ya borî de nîşan da çîma bi serokatiyeke awaha şerê gelê kurdê Iraqê tucar nikare biserkeve û çîma riya rizgariyê di paqijkirina van bermayeyên sedsalên XVIII-XIX an de derbas dibe.

Heçi liser hêza din,Yekîtiy Nîstimanî Kurdistan (YNK)hin kes hê hin xewn û hêviyan xwedî dikan,daxwazên dilên xwe dikan sôna pêkahiyê,xwe bi rewnaya(xeyalla) YNK a pêşverû dîlorînin,YNK di valahiya siyasiya ku piştî ada ra 1975 an bi reva serokatiya PDK a Iraqê li Kurdistana Iraqê peyda bûbû,saz bû û xwest vê valahiyê. dagire;ji pêşmergeyên bê serî,bêserokitiya siyasi mayî re serokîti bike,serê li hemberê re

jîma faşizma Iraqê bajo.Awê ku hîmdarên wê dibêjin ew "ne Partî ye,ne jî Cephe ye".Ango ne hevdî saziyekê li ser bingehêne idêolojîk sazbûyî û idêolojîyekî bihev girêdayî ye û ne jî Cepheyekî ku partiyên wilo lidora bernameteki hevrayî û asgarî dighîne hev.Em dikarin bêjin ku YNK ne tenê ne Partî û ne ji Enî (cephe) ye lê ne yekîti ye jî.Kombûnek e ku kes û komikên ku jiber sedemêne cihê lidervayî an li dijî PDK a Barzanî bûn,an heta rojê dawîn-

nên adara 1975 an **dî** PDK da bûn û xwe jê dûrkirin,dicivîne hev.Tê de sê cihê he ne,li gora xurtahiya xwe:

Me di hejmara II an de,di benda liser Kurdistana Iraqê navê ko varâ Tirk Briefing hil dabû lê hejmarêne wê hatibûn jibîr kirin.Vane ev hejmar:Briefing,Weekly Independent Magazine,Ankara June 21.1978 July 12.1978

S E R E C E M	□Barzanî û Iran.....r. 7
	□Ji Gernama Ewîya Çelebî.....r. 8
	□Ji Dîroka Kurdistanê.....r.10
	□Daxuyaniya Partiya Kommunist...r.12
	□Bingehêne deştpêkiyên Felsefê...r.14
	□Rizgariya Jînah.....r.15
	□Xebata Yekîtiya Xwendekarêne Kurdistanê li Fransa.....r.16
	□Pirsa AKSA.....r.18
	□Mirina Ereb Şemo.....r.20
	□Zman.....r.23
	□Stran û Leylan.....r.24

Li ser şerê hindurê

iRAQÊ (II)

NİŞTİMÂNÎ

1° "Pêşverûyên biserêxwe"ku Celal Talabani û hevalên wî yên nêziktir-
in 2° Tevgera sosyalîsta Kurdistânê 3° Komika Marksîst-Lenînist an
Ev komikên cihê reng û pirtexlit
liser çi hîm û esasê dighêñ hev?
Dijitiya "serokatiya esairî" ya
Barzanî û xistina hikûmeta Bexdayê.

Her çiqas dijî hin tiştan bûn
dikaribe komikan û kesan liser
pirsêñ taktilk nêzîkî hev bike ev
jibo sazbûna serokatiyeke aheng-
dar, hevgîr, xurt têr nake. Divê ku
li ser tiştêñ ku dixwazin çê bi-
kin, li ser awayêñ xebatê û ajotî
na ser, liser hevalbendiyêñ hin-
dur û derve ji lihevhatineki he-
be, û hin bingeh (prensib) giyanê
ki serkarî bidin vê avahîyê rêya
pêsiya wê ronak bikin.

Ji van tiştêñ ferz yek jî di
YNK de tune ye û heta niha Talabani
û hevalên wî ku devê kîsikê
pera digirin YNK ê li gora qî
ma xwe dajon, her dû komikên din
tenê wekî xemleki ne, bikêri pro-
poganda wan têñ. Hin heval bawer-
dikin ku himin di YNK a de hin
kesen soreşger "sosyalîst", "marksîst-
lenînist", dilsoz, fedekar he-
ne û dixwazin bi dil û can jibo
rizgariya gelê Kurd tişteki bi-
kin, divê em li YNK ê bi çavê hê-
zekî welatparêz, tewer soreşger
binêrin.

Lê di vê pirsê de yê ku xwe-
zaya hêzekî kifş dike ne axaftin,
belavok û tiştêñ nvîsi an gotî ne
lê pratîk e, tetbiqat, tiştêñ ki-
ri ne. Û berî hemîyan kirinê
serokatiya wê hêzê neku ev serokati
di aliyekeki de doza soreşgerî û se
rê dijî emperyalizmê bike û di mi-
lêdin de pistâ xwe bi pasverûti-

ya Sûriyê ve girêde, û bi Urdûna
Melik Huseyîn û bi Iranê re rabe
rûnê meriv dîvê hikmê xwe li gora
van kirinan bide ne li gora goti-
nan.

XWEZAYA SEROKATIYA YNK

Em cardin bikin-ku di tevgerekî
de pirsa hîmî û sereke ya sero-
kitiyê ye, daxwaza dilê filankes
an bêvankes nîn e. Erebekî çiqas
qenc dibe bila bibe, heke yê ku
wê dajo riya pêsiya xwe nebîne,
kilekor an bêbêrpîrsîyar û ser-
xwes be, ew erebe nikare rîwiyêñ
xwe bîghîne. mûrem û armanca wan.
Serokatiya tevgerekî weka yê ku
erebê dajo ye, heta ew ne têkûz
serwext, ewle û bi itbarî be, hê-
viya pêşveçûnê tewş e.

Cî ye xwezaya serokatiya YNK?
Politbüroya wê de pênc kes he-
ne. Di destpêkê ðe du ji wan nêzi-
kî Talabani bûn û du kesen din
(yekî sosyalîst û yekî "marksîst
lenînist") bi sedîsed ne bi Ta-
labani re bûn. Jiber awayêñ xe-
bat û danûstanêñ paşverû û nedemo-
kratikên Talabani, kesen sosyalî-
st (Resûl) ji Politbüroyê fire-
kisiya û peyayê "marksîst-
lenînist" jî di serekî li dijî Ira-
qê de mir. Niha Talabani ne tenê
serekî YNK ê lê serwerê tewnayê
(mutlaqê) vê hêzê ye; her tişt
di destê wî de ye. Çawa Barzanî
Şahê PDK û Kurdistanê bû, Talaba-
ni jî dîktatorê tewnayê
YNK ê ye. Di vê hevdesaziyê de ji
demokrasi yê, ji fidara hevrayî (mîsterek)
tu eser tune ye. Talû-
ka jiyaniya vê sistemê di adara
1975 an de gava Barzanî fermana
sekinandina ser da hate dîtin.

bî partîyekê şoresger

ŞORES RABE !

YNK awayen PDK eynî dide dom-kirin. Di hindurda serweriya kesekî, tunebûna demokrasiyê û ji hemiyan gîringtir, tunebûna gi-hîstina siyasiya pêşmergan. Sero ketiyekê ku doza rizgariya geleki dike ne kovareke teorîk derdixe ne xwendegehekî şoresge ri vedike jibo peyivdariya pîrsên şoresê û gîhistina siyasiya pêşmergan. Ev ji tinebûna bîre-werên gîhistî ye an serokiti gi-hîstin û çavvebûna pêşmergan ji bo xwe talûke dizane? Pêşmerge-yên YNK ji wek ya Barzanî bi emr û fermanan radîbin, bi kesan ba-werî anîn e; îdeolojiyeke şores-gere ku wan bi hev ve girêde, ku çarenûsa (qedera) ser ji destê daxwaza kesan derxe, têxe destê komê, destê hevdeşazi yê tune.

Bi kurtî partiyekê şoresger tu-ne ye. Lê ceribandinê xelkêñ din u yêne me ji bi deh caran nîşan dane, abê partiyekê şoresger so

res çenabe! Lewra, bi vê mesê YNK ji ewê tenê dikaribe ser bike, lê nikare şores bike û zû an-dereng ewê ji bikeve rewşa PDK yê; piştî çend salê ser ya bi bîrrîna arikariya Sûriyê bire ve an ji bi hikûmeta Iraqê re lihev were; Çend serokên wî bî-bin xwedî cî û meqam; kurdêñ, din ji di halê xwe de bimînin. Ji xwe berî çend mehan, hindik mabû ev yek biqewimiya: piştî çûna Sadatî Qudsê, Eli Eskerî, li ser navê YNK ê çû Bexdayê û berpirsiyarên Baasî re ket peyivdariyê; "Sadat. Ereba kir rewşekî xerab. Divê em li hember Israîlê rîzêñ xwe xurtkin, şerê nav xwe rawestînin. Werin Kur-dêñ şareder û sîrgûn kiri vege-rînin ciyêñ wan, lihevhatina 11 Adar 1970 an bicîh bînîn û ida-ra xweser (otonomî) ji Haşim Akrawî wan bistînin bispêrin me em li hev bê; ser rawestînin."

Lê karbîdestêñ Iraqê guh nedan pêşneyarêñ (teklifêñ) Eli Eskerî û Eli Eskerî ji Baxdayê destva-la vege riya.

SÛRÎYE ÇİMA ARIKARIYA YNK Û DIKE ?

Lê qelsahîya girantir a YNK û ewê ku ew dixwaze bi ava kişandî aş bigerîne; bi arikariya Sûriyê Kurdistana Iraqê rizgar bike. Mako Sûriye dewle-teke pasverû ye, Kurdê nava xwe diperçiqine, dişîne, ji gundêñ wan derdixe, tu mafan nade wan. Sûriye piştî tevgera filistîni skand. Sûriye bixwe pîri caran di bin siya Riyadê ye. Niha nava wê û Iraqê de li ser avên Firatê û li ser serokitiya Baasê hin dijhevi hene, wan divê rojekî li dora masekî rûnêñ û van pîrsan safîkin, çawa Iraq û Iranê pîrsêñ nav xwe li Cezayîrê helkirin. Berî lihevhatinê, herkes dixwaze tiştîn xwe yê bazarkirinê zê-de bike, destê xwe xurtir bike. Lihember Iraqê, Sûriye tenê dikare arikariya ku dide Kurdêñ Iraqê bazar bike; bêje Baxdayê heke tu filan û filan tiştî bidî min ezê ji arikariya ku

didim Kurdêñ ku şerê te dîkin, ew qas gêjahi û xesar didin te bibirim û bêarîkariya min ewê şer bisekine. Mînaka (mîsalâ) Iranê hê li ber çavêñ me hemiyan e.

Ji vê yekê çi dertê:ku Sûriye arikariya xwe bibire an Tirkiye tixûbêñ xwe qenc kontrol bike, YNK weka avahîyeke li ser qûmê avakîri hildiweş, weki masiya ku av li serê hatibe birin, hisk dibe.

Li ser hîmîn ev çend sist û li hewa, bi qedera xelkekî re leyîstin bi hindikî macerape-restî ye.

Heta niha me tiştîkî li ser averû (zihniyet) û îdeolojiya serokên YNK ne got. Lî hate nîşandan ku îdeolojiya wan çi dibe bila bibe, şertîn objektî fîn lijor jimartî wisa nin kû şerê wan nikare here serî, ew bêberpirsiyari bi qedera geleki dileyizin û Sûriye ji jibo

parastina kêrdîtinîyên xwe bi wan dileyize.Ev rastiyekê eş-kere ye weke 2 car 2 dîkin 4. Cêtirin dawîne (neticeya) ku YNK bistîne ev e ku Talabanî û Elî Eskerî bibin wezîr lê Kurd di rewşa xwe de bîmînin.

TALABANÎ KÎ YE?

Gelo Talabanî bi vê yekê nizane? Divê meriv bi gotinan bawerî neyne û li pratîka kesekî ku doza şoresgeriyê dike binêre. Ci ye ev pratîk? Jiyana siyasi ya Talabanî di 1959 an de destpêdike.Hingê ew û xwezûrê wî Ibrahim Ehmed bi darê zorê, bi tifingan berî serokîtiya PDK a Iraqê, ya ku sekreterê wê Hamza Abdullah bû û bi awakî demokratik hatibû helbijartin, didin û dikevin sûne wan, xwe nezikî Barzanî dîkin.Xeletiya xortaniyê? İhtîrasa karînê? Kî-jan dibe bila bibe, awayekî qet ne demokratik.Di 1962 an de, Çenabî Ibrahim Ehmed, peywendiyê tevgera Kurdên Iraqê, yê PDK ê û Savaka Şah saz dike! Realpolitik? Zora hewcedariyan? Naxêr, tû-nebûna bingehêن ideolojîk, keysperestî.Di 1964 an de Talabanî, Ibrahim Ehmed, hezra hêza xwe nakin, çawa berî Hamza Abdullah û hevalên wî dan, dixwazin xwe ji xanedana Barzanî bifilitî-nin.Sernakevin.Direvin Iranê. Sah çek û pere dide wan.Wan di sîne ser hêzên Barzanî. Çend me-hênen şer. Barzanî peywendiyê xwe û Iranê xurt dike.Talabanî îndî bi kêri Şah nayê, Rola wî ew bû ku Barzanî mecbûri heval bendiya Şah bike.Pistî ku Şah pê vî karî da kirin berî wî û hevalên wî dide.Ew têr li Bexdayê bicîh dibin.Di dema ku hi kûmeta faşist gundân Kurdan di-sewitine bi hezaran kes dimirin, dikeve xizmeta Be daye.Rojnama El-Nûr derdixe.Serde ji hêzê xwe çekdar dike, diçê digel les kérên Iraqi şerê hin Kurdên din dike û herweki bi veşarı û qelsiyê tevgera Kurd dizanibû ji Iraqê bêtir Kurd dide kuştin.Ev yek heta sala 1970 dom-dike.Kêngî Bexdad û Barzanî li

hevtê, her du bîryar didin ku koma Talabanî bê efû kirin.Tî tek ji kîsê Barzanî ne diçû. Yê ku hatibûn kuştin gundiyyêndî Kurd bûn.Hinan xwe di ber serek esirê Berzan, yê din xwe di ber sêxê Talabaniyan de didan kuştin.Pasê serok, wekî carê din destê hev diguvastin, li ba hev rûdiniştin.

Ci dibû dîsa bi gundiyyêndî piçûk, pêşmergeyêndî bênav dibû.

Gelo Talabanî mecbûr bû bîketa xizmeta Iraqê û şerê Kurdên din bikira? Naxêr! Ku kesekî em nebêjin şoresger, lê bîhindi Kî bûrjûwayê demokrat bûna û li dijî awayêndî dîkta torî an pasverûyêndî Barzanî bûya û jiyanê wî li Kurdistanê di talûkê de bûya dikaribû xwe bide ali, li cîkî weke Beyrût, Şam, Qahire bicîh bei û şerê xwe di warê siyasi û ideolojîk de li hemberî Barzanî bajo.Lê Talabanî ne tênê ne demokrat e, ew bi ihtîrasa karînê (iktîdarê) ew qas di sewite ku jibo bicîhanîna vê armancê bingeh nîn in ku nikarîbe dev jê û bernede.

Heke kesekî ev çend bêbingeh, qulipok, maceraperest, rojekî dev ji xeletiyêndî xwe berde: û bixwaze di tevgerekî pêşverûde wej endamekî kar bike, divê meriv berî endametiya wî qebûl bi ke dûrûdirêj biponije.Lê ev kes iro serekî yek ji hêzên ku doza serokîtiya şoresa Kurd dîkin e û hevalên dora wî, wek Debbabe û hinêndî din bi keysperestî û bê bingehiya xwe ji net kêmîtirin.

Di vê rewşa hazîn da karê şoresgerê Kurd ev nîn e ku bi he-sabîn piçûk û tevlihevêndî dermanfirosan: bêjin ev ji yê din çêtir e, em anîha pişta wan bigirin, heye ku çêtir bin, bi edi lin.Gol havê nagire nabe mast! Kesên ku jiyana xwe bi macera-perestî, bazirganî, qulipokî, keysperestî derbas kirin bi piştmizdan, navtêdan û telqînan nabin serokêndî şoresger! Divê ku ji pêşmergan re, ji karker û cotkarêndî Kurd re bê gotin, YNK û PDK, bi serokîtiyêndî xwe yêni have Keçel Elo, Elo Keçel in. Heta ku ew serokîti neyêndî guherandin, heta ku eniyê

kî soreşgerê rizgariya Kurdis-tanê neyê saz kirin,heta ku tevgera Kurd ji destên bazir-gan,têcîr,dîz û maceraperestên bûrjuwaziyê û ji bin nîrê şêx, axa,beg û serek eşîran nefili-te,gelê Kurd nagihe rizgariya xwe.

şerî ideoolojîk li dijî keysperestî û pasverûtiyê

Di milê din de hin kes didin pêş ku divê soreşgerên Kurdên Tirkiyê an Iranê têkili karêñ tevgera Kurdistana Iraqê nebin. Bi ya wan, ewê gelê kurdê Iraqê bixwe kîjan serokiti jê re çêtir be wê bibijêre.û xurt bi-ke.Ev xêza han gellek pirsahilîke:¹⁾perçebûnên nav tevgëra Kurdê Tirkiyê Sûriyê di cî ki de bi rewşa Kurd li Iraqê ve girêdayî ne,bi hindikî jê na-yêñ tecrit kirin û qenc tehli-la tevgera Kurdên Iraqê jibo ronakî û safiya ideoolojîka Kur-dên din pirsaki sereke ye,ferz e.²⁾Di navbeyna têkiliya fiili (weka ku Barzani an Talabani û dîkin) nav karêñ Kurdên per-çekî Kurdistanê û tehli-la xêza ideoolojîk û hevalbendiyê sero-kitiya hêzên wan ên siyasi de cihêbûnek nepiçûk heye.Serê ideoolojîk li dijî keysperestî û pasverûtiyê di nav tevgera Kur-dên Iraqê de perçeyyek serê giştîyêjibo rizgariya neteweyî û civakiya gelê Kurd e.Jê revîn,ji berpirsiyarekî hîmî revîn e.

3)Him PDK him YNK siyaseta xwe ya pasverû û keysperesta bi dewletêñ pasverû ve girêdayî li ser navê sosyalizmê dajón. Divê ku sosyalistên soreşgerên Kurd ji gelê Kurd re eßkere kin ku ev sextekarî û keysperestî yên axayêñ ser û bazirga-nêñ kurdîtiyê ne,yêñ maceraperest û keysperestan e,tu pey-wendiyeki wan bi sosyalizmê ve tune ye.Ev kesêñ han ne bi pratîka xwe ne bi teoriya ne sos-yalist in.û her weki gotinbêj û peyayêñ sinifêñ serdestêñ Kurd nîkarin bibin sosyalist.. Pêtiya hêviya Kurdistana sosya-

list xwedî kirin bêgoman wezîfeya pêşîna sosyalistên Kurdis-tanê ye.Ji vi kari revîn û doza sosyalistiyê kirin hevûdin nagirin.

4)Hin kesêñ li Tirkiyê,Iranê an Sûriyê xwe ku sosyalist nîsan di din di eyni wextê de ji pişgiriya PDK an YNK dîkin.Ev ji si yasetekî bêbingeh û bêbasîret e.Bi hindikî sibê ro ku YNK if las bike ewê ji ji siyaseta wê bêñ berpirsiyar dîtin û liber çavêñ militanê xwe bikevin.

5)Ji tehlîla tevgera kurdên I-raqê revîn ne ji nefspîçûkî ye ne masûm e.Hin kesêñ ku jiber hin hesabêñ piçûkên bêşokan (fraksoyanan) naxwazin li yê pirsê bikolin di milê din de ji Çinê heta Sovyetistan û Ku-bayê li ser hemî pirsên "sore-sa cîhanî" ahkam û ders didin, li ser pirsiyarêñ ku tenê bi nûqe yêñ rojnama an pirtûkokên ajî-tasyon û propaganda bihistine, bîryar û hikmîn hisk û bêgazi didin.Lê gava ku li bin pozê wan, di nav Kurdish bixwe de hin pirsên ku dahûrîniya(tehlîla) wan ferz e.serî hiltînin,ji meydanê fire dikisin.Divê ku soreşge-rên Kurd hê ku tîr ji kevan ne filiti ye bi berpirsiyari û me-sûliyet pirsên teorîk û ideoolojîkîn tevgera rizgariya Kurdis-tanê bipeyivin,ronak û eßkere bikin.An na pişti ku Barzani reviya çû Iranê an Talabani ser hish û çû Bexdayê an Şamê, bi derbekî "bêbextî û kevnepo-restî"ya wan kifş kirin ne marifet e, rengeki keysperestiyê ye.

Belêdivê ku em ji niha ve van : rastiyen eßkere kin,belav kin, jibo peydabûna hêzên teze,nû, soreşger bixebeitin,bi gêlê xwe bidin fam kirin ku tenê seroki-tiyeke ji karker,cotkar û bîre-werêñ soreşger sazbûyi,sosyalist,soreşger dikare ne tenê rizgariya neteweyî lê wisa ji rizgariya civakî bidestxê, ku tu rîyekî din tune.Yêñ din hemî bibin kortalêñ bêbini,be-la û müsibetêñ nû.

(w) Binêre rojnama Urdunê Al-Ray; hejmara 25.12.1977 û kovara Lübnant ila al.Aman, ya 6.1. 1978.



BARZANI Û İRAN

Belavkirina agahdarî û nûçeyan jibo nasîna dîrokê û nihayê ferz e. Ev nasîna han jî bi kîrî vekirina rê û bergehêن wêbêyê têن, riya pêsiya şoreşgerêن Kurdîstanê ji hin asêyî, xewn û rewnayêن pûç paqij dikan. Di vî warî de qenc naskirina teygera dawîna Kurdên Îraqê, ya xeletîyêن wan, naskirina set rokêن vê teygerê, zihniyeta wan; nasîna kîrin, peyman û havalben diyêن wan jibo wêbeyâ şerê rizgariya gelê Kurd zehf girîng (mîhim) e.

Di nav sê salêن borî de di vî warî de di çapa biyanî de gel lek tişt derketin, pirrişt eşkere bûn. Hînek ji wan bi destê kovarren tirkî an erebî gi hîstîn guhêن Kurdan jî. Hinê din, dervayî Kurda cîhan hemî dizane. Mako, berî hemîya divi ya bû ku Kurd wan binasin.

Me di hejmara xwe ya 2an da li ser "Dest brakiya Barzanî û Israîl" nvisî û keriyej ji rojnama cihû "Jerusalem Post" a 16.5.1978 an derxist. Ji Barzanî merem, tenê kesekî ku di demekî de serokîtiya teygera kurda mezin, giran, tejîhêvî kiriye û iro, kal, nexweş li Washingtonê dijî nîn e. Barzanî temsîla zihniyetekî dike di teygera Kurd de, zihni yeteke kevn, kevnare ji sedsala XVIII-XIXa mayî. Ev zihniyeta han hañ

di şertêن dinya iroyî de tucar nikare biserkeve û jixwe pêncî sal an, şerên gelê Kurd timî dibe şkînandin û bindesttiyê. Barzanî ne kese kî ye; lê bihindikî serokîtiya PDKa Îraqê ya doh û ya iro ye, dûajoyêن wan in. Ev zihniyeta han ciqas qels ketibe jî hê heye û jibo serfi raziyêن wêbêyê divêku dara rizgariya meji van şaxêن hiskbûyî yêن ku bi, giraniya xwe pêsiyê li ciql û kulîlkên teze, jîndar digirin bê paqijkîrin, sivik kirin. An na wekî hemî organîz mayêن ku xwe nû nakin, ewê dar hemî li piya hisk bibe û bikeve.

Di vê hejmarê de, em keriyejî ji mijûlahiya Barzanî bi rojnamevanê Iranî Amir Taherî derdixin. Ev mijûlahî piştî şkînandina tevgera Kurdên Îraqê, li Iranî derbas bûye û di rojnama Iranî ya navdar Kayhan (hejmara 3.5.1975) de çap bûye.

Amir Taherî wî li quesra wî ya nezikî Tehranê dîtibû û pêre saet û nîv mijûl bûbû. Va ne keriyen serekeyen mijûlahiyê.

"Di dengê wî de tu şopa talî an kîfnex weşîyê tunebû. Hey kû li Iranê ye dev ji cilênen xwe yî Kurdi berdaye, saqo:pantor, û qrawat li xwe dike.

"ji qederê xelasî tune ye,,

Hê di destpêkê de dibêje; "Karê min îndî qedîyaye. Qet niyeta min tune ye ku cardin serokîya şerê Kurdên Îraqê bikim. Ez tenê qûlekî naçarê Xwedê me. Tiştê ku hatiye şerê me hemî di qedera me de nvîsî bû û ji qederê xelasî tune ye."

Gelo lihevhatina Iran û Îraqê di cihî de hînek arîkariya "qederê" nekir û ev lihevhatin ne li dijî Kurdan bû?

Bersîva Barzanî ronak e; "Berî her tiştî, dibê ku bêjim ku haya me ji vê lihevhatinê tunebû. Lê ez bi vê lihevhatinê re me, jiber ku ew bi kîrî Iranê tê û tiştê ku ji Iranê re qenc e, divê ku hemî Kurd pê re bin." Iran destê arîkariya da me. Di sala dawîna şer de tu dewletekî qasî Iranê arîkariya me nekir. Heçî yêن ku bi derbekî bi hebûna me hisiyan û çend hêstirkên durû li ser mîri-

jandin, merema wan te-
nê ew bû ku li dijî
Iranê propoganda bi-
kin (...) Min pêşîya
pêşî zanibû ku Kurd di kîrî tiştekî nehata."
şerekî awha adetî de

"em spasdarên Iranê ne,"

Dûrê Barzanî hilmekî
ji qelûna xwe kişand
û dest bi peznê Ira-
nê û Şah kir; Em hemî
spasdarên Iranê ne
jibo tiştê ku wê ji
me re bi bawerî û dil
sozî kir. Em niha di
hizûr û qedirgirani-
yê, di bin hîmaya Şâ-
henşah, serwerê hemî
kesên ku ji nîjada a
rî ne, dijîn.

Gelo ewê niha Kur-
dên Iraqê çi bikin?
Barzanî awa bersiv
dide: "Ez li vir im û
ew li wê ne. Dîsa bê-
jim ez ne serok: im û
ezê îndî hew bibim
serok. Her tişt qediya
ye, ji binî qediya ye.
Ez dixwazim ku navê
min ji dîrokê bê xe-
rakirin, lê hun rojna
mevan, hun nahelin(..)
Niyeta min tunê ku
ez ji niha pê ve Par-
tiya Demokratîka Kur-
distana Iraqê idare
bikim an raya xwe li
ser xeta wêbêya vê
partiyê bidim." Dûra
Barzanî bi bîhtengî
qala hin Kurdên ku
li dijî Iranê daneza-
nan didin dikê: "Ew
ne meriv in ne jî
Kurd in!" (...)

Serokê pîrê Kurdên
Iraqê, gava ku qala
Kommunistên Iraqê di
ke, kela wî radibe û
wan ji qirkirin û kuş-
tinê Bakûrê Iraqê
berpirsiyar dike:
"Kommunist neyarên
Islamê ne û dixwazin
bi her awayî misil-
manan berî hev din"
Barzanî dixe bîrê ku

wextekî jê re "Mellê
Sor" digotin. "Neya-
rên min vî navî da-
bûn min. Ez timî an-
tîkommunist bûm ji-
ber ku ez misilman
im. Di nav pêgirti
yên min de tu kom-
munîstekî tune bû û
heke yek bûna jî ne
wêribû xwe eşkere
ke "Barzanî" gellek a
yetan dike nav mijû
lahiya xwe.

Her çiqas wî sa-
lên dirêj di şer de
derbas kiribe jî, li
xwe mikur tê: "Ez ti-
mî evîndarê edebiyâ-
ta farisî bûm, xasma
Hafiz û Saadî û ni-
ha ez gihîştîm wan"
Gava ku min jê pir-
sî ka niyeta wî he-
ye bîranîn xwe bi
nivîsîne, li min ve-
gerand: "Ez bawer na-
kim ku ev pêwist be.
Meriv tenê gavekî
dijî û paşê vedige-
re xweliyê. Tewş e
ku min bibîr bînin.
Qûlên Xwedê divê te-
nê wî têxin "bîra
xwe"

Rast e ku vegera
xweliyê heye. Lî be-
rê vê vegerê di he-
riyê de gerîn jî he-
ye. Ev jî, heye ku Qe-
dera yênu ku bawerî
yeke bêşik bi mezna
hî, pêşverûtî û za-
neyiya "Serok" bawer
kiribûn û dikan be.
Bibê nebê meteloka
pêşîya dikeve bîra
me: "Malxwîyê me Om
e, xweli li serê kom
e!"

□ □



Weroke Tirk Ewliya
Gelebi di salê 1652-
1653 an li hin navçey-
yên Kurdistanê geriya
ye û di cîldê IVê ger-
nama xwe de dûrûdirêj
qala Kurdistanâ sedsa-
la XVII an bedewî û
dewlemendiya wê dike.

Me ji gernama wî
keriyek kurt derxist
di kîjani de Ewliya
salixê Qesra Evdal Xa-
nê Bedlisî dide. Di
hejmara 2 an de, gero-
kê navdar pesnê bede-
wî û semiyana hemama
vê qesrê dikir. Va yê
dûmahika vê keriyê.

"Di wan deh roj û deh
şevênu ku em lê bûn mî-
van, Evdal Xan jibo xâ-
tirê Melek Ahmet Paşa
ziyafetên ewqas şen û
têrütije da ku kes ni-
kare bi gotina salixê
seyan û debdeba wan
bide. Lesker û muhafî-
zân sê hezar û şest
axayan heta meşalekêş
û seyisan hewand û
têrkir.

Piştî şîvê, Evdal
Xan ji paşa re got :
"Çend lewendêne me yê
çê hene. Heke dilê
we jî dixwaze kerem-
kin baxçeyê me yê mî-
ranî ku li Meydanê di-
nêre, em temasa leyisti
kan bikin. Li ser van
gotinan Paşa kişiya
cîhkî bilindê ji he-
mî warê leyistikian re
serdest û got : "Ka em
binêrin çi ji wan tê"
Li dora meydanê, xelk
gişt rêz bi rêz kom
bûbû û hawilkarê tema

Jİ DİROKA KURDISTANE ...

Ji Gernama EWLÍYA ÇELEBÎ(II)

şê bû.Pêşiyê,mêrxasekî binavûdeng ku jê re Zengizer digotin derket hafa Evdal Xan,te vî cilên xwe yê lewen diyê ku ji çermê res bûn.Ew erda ber piyê Xan maçkir,diayê xwe kir,û bi lezekî wisa beziya û li dora Meydanê geriya ku hespêñ rewantir jî nikaribûn bîhîjinê.Piştî vê dorgerê,bi wê leza xwe,heta hafa Xan kîsiya,navê Xwedê hilda û bi nermî xwe hilavêt hewayê,di hewayê de sê teqle li ser hev avêt û li ser piya ket ciyê xwe yê destpêkê.Dî wê gavê de,xwe weke hec-hecîkekî hilavêt û di qasê çawşkêñandineke de li hewayê çar caran li dora xwe geriya û imaç kir û çû xwe danî çewa piyêñ wî erdê girtquncikekî. içar berepaş sê teqlan avêt.Bi nerminiyekî wilo dilivî ku meriv bi dijwarî dikaribû bawer ke ku ji kesekî ev çend hiner bêñ(...). Ev lewendê han duwazde şûşan kir du lodên şes şûşeyên liserhev danî. Bilindahiyâن her şesan ji bejna merivekî dibi huri.Çil-pêncî gav fi-rekişiya,mîna hespeki pêkolê kir,dûre bi derbekî li ser pêkî hilpêki weke tîrê ku ji kevan filiti be kîsiya û weka brûskê gihişt ber Todêñ şûşeyên liserhey danî.Cardin qîriya "Hay" demekî wisa li piya li ser şûşen liserhev-danî ma,jibo dilşahî û bextiyariya paşa dia-kir û xwe avêt erdê,wê



Dû wî de hin lewendêñ din hatin,û her yek,di dora xwe de hiner û märifetên xwe nişan da. Li Bedlisê,pîsewarî (zenaet) gellek şen û pêşveçûyî ye.Çakûçêñ ku li wê derê têñ çêkirin ji yêñ hemî deran çêtir in.Cümker ew qas karê xwe rind dinasin ku li ser cûm û qumaşen wan tu şopa drûtinê na-yê dîtin.

Di rengxane de rengêñ zer,nelesora guli,helesora xoxî,zerê pahtî çedikin?Drûvê rengêñ ku rez û baxçeyên vî bajarı bedew dikin,bi van rengan dikeve. Kârê rengxana yek ji nişanên sanayiya Bedlisê yê wekî tîr û kevanên wê yêñ binav û deng.

Çavê Melek Ahmed Paşa,waliyê Wanê û zava yê Siltan Mûrad IV,ew çend di dewlemendî û gencîneyên Eydal Xan de ma ku di sala 1655 an de tevi leşkerekî giran ajot ser Bedlisê,piştî şerekî xurt û bêigidî perrekî bajêr xerakir,şewitand, malen Xan talan kir,kîtêbên wî şewitand.

Evdal Xan zane û mëvanhiz bû,lê ne mirov-dewlet bû.Di dema ku karîn û meznahî di qevda şûr de bû,ew çi bigre destvala bû.Yêñ ku xwediye xurtahiya şûr û topan bû,avahiyêñ wî yêñ bi zanîn û bedewiyê bi salêñ avakirî di nav çend rojan de hilweşandin,xopan kirin. ▲▲▲

Jİ DİROKA

-II-

Bi erdçinî û dewarxwedîkirinê hin eşîr û gelkok ji ber pêşve-çûniya xwe ya di zanebûnê de an çakiya erdê xwe, ji yên din dewlemendtir û xurttir bûn; dest bi firotin an bedêlkirina mal û dewlemendiyên xwe yên zêde kîrin. Bazirganî û şerên nav eşîran liser mal û milkan wisa kîrin ku ne tenê hin eşîr ji yên dewlementtir bûn, lê di nav eşîrekî de hin bi kerî û garanên xwe, bi kolên xwe(yên ku di şer de hatibûn dîlgirtin)ji yên din dewlemendtir bûn. Xwedaniya ari-zî ya ku di destpêkê de tenê li ser kerî û koleyan bû. :berebere mal û hebûnên din, heta bigire erd û avê, jî kir nav warê xwe. Meriv îndî ne tenê aza an kole bûn lê wisa jî zengîn an belen-gaz bûn, newekheviya mal û hebûnê ketibû nava wan. Di nav eşîrê de erd û keriyyen çêtir ketin destêñ hin malbatan ku ew berebere bûn axa û begêñ eşîrê, xwe-diyê mal û karînê(ıqtidarê).

Di nav sedsalan de, danûstanêñ merivêñ ku ji eşîra xwe ji ber hin sedeman dûrbûne û li cihkî din biciwarbûne û endamên eşîrê sist dibin, peywendiyên wan û cîranêñ wan çedibin. Wisajî peywen diyên eşîriyê ciyê xwe ji girê danêñ cemaeta erdê û cîraniyê re dihêle ku ev cemaet hê jî li hin ciyan hene(Hindistan, Asya navîn, hwd).

Dibe ku meriv xwe ji merivêñ xwe re, braxweyêñ xwe re kêm bike, dewlemendî û serdestiya wan qebûl ke. Di cemaeta erdê û cîra-nîyê de îndî ev peywendiyên bra-xweyî tune ne û kes naxwaze bî hemdê xwe xwe ji dewlemendan re, ji beg û xwedierdan re biteline, kar û suxra wan bike, ev yek te-nê bi zorê dibe. Loma dewlemend, xwedîmal jibo domdariya, serdes-tiya xwe digihêñ hev, dewletê çê-dikin, supa(ordî) û zîndanan datînin ku bi darê zorê, bi tirsê bindestan, gundiyan, belengazan bitewînin, serveriya xwe deyînîn û ba

jon. Dewletên pêşîn ku liser hî-mîn koledariyê hatibûn danîn, li Misrê, Mezopotamyayê û liser erdê Kurdistanâ niha avabûne.

PÊŞİYÊN KURDAN

Ji nasîna nvîsandinê bivir de Dîroka gelan çêtir tê nasîn. Gelê nûjenêñ mezin piranî di navbeyna sedsalân 8-12 an de bi tevlihevi û têkilbûna eşîr, geluk kok û nijadêñ cihêring çêbûne (Fransiz, Ingîlîz, Ispanyol, Rûs). Çêbûniya hin xelkan kevintir e (Çin, Kore). Di Roheleta Nêzîk de kevintirin gel Kurd û Gurcî ne. Pêşiyêñ Kurdan qebile û gelko-kên Mîtannî, Kasît, Lûlûbî, Xûrî, Subarû(Zibarî?), Urartû, Kardûx û Medîn. Hin ji van eşîran ji demêñ hereberê de li wê bûne. Gava ku hinêñ din, wek Medan, di dora sedsalân XI-X ên berî dewrana me(berî Mîladê)li ciyayêñ Zaxrosê û newalêñ Dîcleyê ciwar bûne.

Di vê benda kurt de em nîkârin liser dîroka kevnareya her yek ji van gelkok û qebileyêñ pêşiyêñ Kurdan bisekinin. Emê te-nê çend gotinan liser hin ji wan bêjin û diyar bikin ku gelê Kurd geleki kevn e, di nav çend hezar salêñ dîrokê de bi tevîhevbûn û mehandina eşîr û gelkokên cihêring çêbûye.

Yek ji kevintirin pêşiyêñ gelê Kurd Kasît têñ hesibandinê ku ew di navbeyna hezarsalân 3 û 2 yên berî dewrana me li ciyayê Zaxrosê jiyane. Nvîsarêñ Elamî û Babiloniya qala wan dikin. Di he-zarsala 2 ya berî dewrana me, ew daketine newalêñ Dîcle û Feratê, şerê kurê Hammurabî kirine û hê dî hêdî navçeyêñ bakûrêñ Babîlon yayê kirine destêñ xwe. Di sedsala 18 a berî dewrana me Gendas, serekê Kasîta, xanedana babîlonî ya yekemîn dixîne û dibe serwêrê Kasît û Babilonîyan. Bahîlon-ya qasî 576 sal di bin destê Kasitan de dimîne.

KURDISTANÊ...

Ji nvîsarên liser kîlik û kevirê qerexê rê nvîsi dixuye ku di dema Kasîta de erdçinî pêşveçûbû û feodalî îndî rûnis tibû. Serwer û serkar ji komika tengâ xanedanê derdiketin. Qoreka (tebeqeka) civakiya din bî karê ol û diyanetê bili dibû, mabeda xwedî dikir û bi diyari, gorî û bêşen gundiyan dijîn. Erd bixwe jî piranî di destê "genne" (derebeg) an de bû, gundi di er dê wan de dişuxulîn û parekî ji hatina erdê didan wan.

Kasit, zmanekî nêzê hindû-ewrûpayî dipeyivîn (gava ku Asûri, Babilonî û Elamî zmanê Samî diştexilîn). Wan xeynî Buriaст (xwedanê Bayê) û Şûriyaş, tav û hespê jî diheband. Hin ji mabedîn wan li serbajarê wan Dûr-Kûrîgelzû (iro Burca Aqarquf) gi hîstine rojêne me.

XÛRÎ Û MITANNÎ

Heçi Xûrî, ew hê di hezarsala 3 ya berî dewrana me di navçeyîn Diyarbekr, Bohtan û Herranê de ciwarbûne û di sedsalê pêşînên hezarsala 2 a de dewleta xwe rastkirine, bakûra Sûriyê heta bigire Filistinê kirine destê xwe. Dî sedsala XV a berî dewrana me siwariyên Mitanni ji rohelat têñ û dikevin nav Xûriyan û her du bi hev re Imparatoriya Mitanni ava dikin. Di sala 1460 û berî dewrana me, serwerê Xûrî û Mitanniya Şawşatar Asûrê zevt dike, milkêñ ji Derya Reş heta Filistinê di ke destê xwe û bi cîranê xwe yêñ Babilonî û Misrî re peywen diyêñ qenc rast dike. Firewnêñ Misrê (weki Nefertiti) ji Mitanniyan jin tînin û keçê xwe didin serwerên Mitanniyan. Piştî kuştina Imparator Dûsrata, di sala 1365 an de, Imparatoriya Mitanni berebere jihev dikeve, Asûrî xwe rizgar diñin, milkêñ rojava dikevin bin destê Hititan.

Imparatoriya Mitanni dewlete ki leşkerî bû. Xanedanekî Serdar û şerkarê Xûrî û Mitanni liser xelkê cotkar û şivanan hikim dikir. Di aliyê pîşe (senet) de, Xûrî afirandihêن hêja, berbiçav diafirînin. Pîseya Me-

zopotamya û Hîtitan ji wan gel lek tiştan stendiye.

Di demêñ kevin de peywendi-yên eşiri û qebileyî ji yên din xurttir bûn. Gava ku qebile kî bi şerkariya xwe qebile û eşîrên cîran li ber xwe di tewand û peyderpey dewletekî datanî navê xwe li navê dewletê datanî, angó dewlet ne bi netewahiya (milliyeta) xelkê xwe lê bi navê xanedana serwer dihate nasîn. Lewra, eynî erd geh bi navê "welatê Mitanniyan", geh bi yê "welatê Kardûxan", geh bi yê "welatê Kirtîyan" tê nasîn. Em bînin bîra xwe ku ev rîzeçê (adetê) han heta demekî nêzîk jî li pirîciyan hakim bû. Ne te nê Imparatoriya Sêlahedinê Kurdi bi navê xanedana wî ya Eyûbî dihate naskirin, lê ya Imparatoriya Osmanî bi navê eşîra Osmaniyan kete dîrokê.

"WELATÊ KARDAKA Û KURTİYAN,,

Yek ji kevintirîn nvîsarên ku qala Kurdan dike kevirên pêderiyêñ sumeriyê 2000 sal berî dewrana me ne. Zaneyê fransız Thureau-Dangin, wan xwendiyê. Tê de Sumerî ji "welatê Karada-ka" behs dikin û dibêjin ku ev welat li aliyê "Sû" ye. Bi a wê zanayê Ingîliz Driver, Sû 11 gerexa Gola Wanê ye. Şerefname kela Sûy li navçeya Bedlisê nişan dide. Bi vî awayî, "welatê Karda-ka" hê di dema Sumeriyan de, angó berî 4000salan navçeya dora Bedlis, Wan, Giyayê Zaxros û newalê Zapê bûye. Dergûşa gelê Kurd ev navçe ne, ew di nav sedsalan de ji van deran ber bi rojava (Roha, Entep, Malatya) û ber bi bakûr (Qers, Erzurum) kisiyanê.

(dûmahik heye)

Quncikê Marksizmê

DAXUYANIYA



KARL MARX (1818-1883)

Ji serfên heyama navîn rûniştevanê komava (kommun) yên pêşîn zan;ji vê gel haya(xelkê) bajarî peyayêن yekemînêن bûrjûwaziye derketin.¹

Servebûniya(keşfa) Amerîkayê,riya der yayî ya dora Afrikayê warekî karê nû dâ bûrjûwaziya ku hildikişîya.Bazarêñ Hindîstanê û Çînê,destdanîna li ser Amerîkayê,têciriya mêtîngehî(kolonyal),pirbûna navgînêñ(wasiteyêñ)danûstanê û bi awakî giştî,pirbûna frotîşkan hilfir û pêşveçûnekî ku heta wê gavê ne hatibû nasîn da bazirganiyê û bi vî rengî,geşbûniyeke zû temîn kir ji birê şoreşgerê ci vaka feodala di nav jihevhatinêde.

Awayê kevnê bikaranîna feodal an karcivayiya(korparatif) sanayiyê têra hewcedariyêñ ku,bê rawestin,hingî bazarêñ nû vedibûn zêde dibûn,ne dikir.

Destkargeh(Manufac tur)² dewsa wê girt. Cîna navîna sanayîvan cih ji mamoste-yêñ Juranda stend: parkirina xebatê di nava karcivayêñ(korporasyonêñ³)cihê şûna xwe hişt ji parkirina xebatê di nav kargehê (atêlyê) bi xwe de .

Lê bazar bê rawestin mezin dibûn ; hewcedarî timî zêde dibûn .Destkargeh jî têr nekir.Inca hêza hilmûgulmê û makînê⁴ di hilberîniya(istîh sal) sanayiyê şoreşgerand.Sanayiya me -

zina nûjen ji destkar gehê re serket:çîna navîna sanayîvan cih ji milyonerêñ sanayiyê,ji bûrjûwayêñ nûjen re hişt.

Sanayiya mezin baza rî cihanî afirand (xulq kir),kîjan bi servebûniya Amerikayê hatibû havilkariyê (amadeiyîyê).Bazara cihanî bi awakî mucîzewî pêşveçûna ticaretê,deryavaniyê û rê û dirban lezand. Vê pêşveçûnê di dagerê de sanayiyê pêşdetir bir;hingî sanayî,ti-caret,deryavanî û rê hesin pêşvedicûn,bûrjûwazî geşdibû,sermâyeyîn xwe dehcarîn dikir û çînê ku ji heyama navîn bermabûn paş ve tam dida.

Bûrjûwazî,em dibînin,bi xwe hilberîyê

(mahsûlê)pêvajoyekî (prosesûsekî)di rêjê gesbûniyê,yê rêzekî şoreşen di awayen hilberînî û danûstanê ye.

Her gîtê gesbûniya bûrjûwazîyê bi xwe re pêşveçûnekî sîyasî ya hevber dianî.


Bûrjûwazî,koma sosyal a ji aliyê zorkariya feodal êşandî, komela çekdara ku di komavayê de bi xwe xwe idare dikir⁵,li vir komara bajarîya biserêxwe⁶,li wir rewseya sêyemîn a bêşdar û suxedarê monarşiyê⁷;pişt re,di dema destkargehiyê de dijgiraniya xanezadiyê(zadeganiyê)di manarşîya feodala tewna(mutlaq) de,kevirê mihingê monarşî yêñ mezin bûrjûwazî,

PARTİYA KOMMUNİST

ji danîna sanayiya mazimû bazara cihanî bivirde serweriya(hakimiyeta) siyasî ya tenagîra dewleta tem siliya nûjen xist desten xwe.Karîna (iktidara)dewletî ya nûjen tenê komcivekî (komîtekî)barkiriyê bi gerandina karên tevîhevên çîna bûrjû wa ye. Bûrjûwazî di dîrokê de rolekî soreşgerî bilind leyîstîye.

Li herderê ku karînê bidestxist, peywendiyê feodal , paderseri û bestewînnî (îdîlik), hemî girêdanêن cihêrengêن ku mirovê feodal digîhînin serdesten wî quraft;di dewsa wan de di nav mirov û mirov de dervayî kêrhaya (menfaeta) sar,xwestekêن hişkêن "heqdana pêşîn" tu girêdan nehişt.

(dûmahîk heye)



F. ENGELS (1820-1895)

1. Hê di dawiya sedsa la X^a de, lê bi htmt di sedsala XI^a de, li Almanyê "tevgerekî bajarvant" tê dftin. Bajarok,bajar û şaristanen nûza,yên ku heta hingê di bin nt rî abort û hiqûqt yê began de bûn,digihên hev, hevdesaz dibin jibo bidestxistina azadiya xwe (coniuratio civium an Schwur verband). Kel û dizên pêştn (dtwar,pasê sûr:Pfahlbau,Stadtmauer) ntşanen serxwe bûn û xweserîye (otonomyê) li Almanyê ji sedsala XI^a ne; niha jt pirtcar ew di derefsen şaristanan de xuya ne (ntşeya Engels).

2. Destkargeh (mankâfaktur) derbasiya kargeha ptşewart(ze-neatkar) ber bi sanayî ya mezin ntşan dike.Hin ji karkeran

li wêderê di bin serokftiya karxweyekt (patronekt) bi tenê, li ser dezgehekt ku indî ne yê wan bû di xebitn.

3. Korporasyon (ji latint corporari, xwe di koman de civtn) komelên ptşewer (ze-neatkar) û ostayan jîbo tenzîm kirina karê wan û parastina menfaetên wan;tevayı ya kesen ku bi eynt kart bilt dibin(n.w).

4. Maktna-alet hilbernt (istihsal) yê û peywendiyê mirov û heyoka karê wt guherandin/theta hingê alet bi desten mirov digerîyan û mirov çêkerê tevayıya veguhêrtna dendê (maddê)bû. Bi maktnê,sazgeriye-ke hingt diçe bixwemes alet digertne, karker ûndî "ji dûrve",bi rengekt beskt (qismt) têkil dibe.

Maktna hilmûgulmê,bi karantna ktjanê tenê berbi 1790 an li Ingilistana belav bû , di cth kt de tenê dû mahîka maktna-alet e: lê bi dewsgirtina hê zên livkarêñ rêzeçt (adett),wê hilmekî xurt dida şoresa sanayiyê.

5. Bi vî rengî,rûnis-tevanen bajaran li Italya û li Fransayê, piştî ji xwediyyê feodal kirtin an qurafina mafen pêştnen t dareya serêxwe,ji ce maeta xwe re navê ce maeta bajart datanîn. (ntşeya Engels, şapa almant ya 1890 an).

6. Wekt li Italya û Almanyê (ntşeya Engels,şapa almant ya 1890 an).

7. Wekt li Fransayê (şapa ing. ya 1888 an).

BİNGEHEN DESTPEKİYEN FELSEFE

georges politzer

III. FELSEFE ÇI YE?

Di zmanê xelkê de gava ku filozof dibêjin tê fehm kirin an kesê ku di nav ewran de dijî, an yê ku li aliyê xweşikê tiştan dinêre, ewê ku "xem naxwe". Lê, vajîyane, filozof ew eku dixwaze ji hin pirsan re bersi vân(cevabên) ronak bîne. Heke em bînin bîra xwe ku felsefe dixwaze ïzahekî bi de pirsên gerdûnê (cihan ji ku tê? em bi kû da diçin? hwd...) tê dîtin ku filozof bi gellek tiştan bilî dibe, û dijê ya ku tê gotin, "pirr xem di xwe".

Wisa be, emê jibo danasîna felsefê, bêjin ku ew dixwaze gerdûnê (kaînatê) xwezayê ïzahke, ku ew lêkolîna pirsên giştîtir. Bi pirsên kêm giştî zanistî (ilm) bilî dibin. Felsefe wilo dirê - jîneya zanistîyan e, himin ew li ser zanistîyan hîmdar e û bi wan re girêdayî ye.

Emê hema biserkevin ku felsefa mark sîst azînekî (metodê kî) safîkirina hemî pirsîyaran tîne û ku ev azîn bixwe bi materyalîzmê ve gi-redayî ye.

IV. FELSEFA MATERIALİST ÇI YE?

Di vê tengê de jî tevliheviyekî heye ku me divê pêre diyar kin. Di zmanê xelkê de gava ku materyalist tê gotin, tê sehkîrin kesê ku tenê li dû kêfê dendî(maddî) digere. Bi gotina "materyalîzm" leyistinê-di vê gotinê de giliya "matriere" dend heye-jê re têgiştinîkî(manakî) ji binî nerast tê dayîn.

Emê bi hînbûna materyalîzmê-bi têgîş tiniya wê ya zanistî mana wê ya rastî bidinê. Emê bibînin ku, materyalist bûn nabe asêyî ku meriv xwe-diyê mengîyekî (ide-alekî) be û jibo ser ketina wê şer bike.

Me got ku felsefe dixwaze ïzahekî bide pirsîyaren giştiyen cihanê. Lê, di doma dîroka mirovahiyê de, ev ïzah timî eynî ne bû.

Mirovên pêşîn li ïzaha xwezayê, cihanê geriyan, lê ji heq ne hatin der. Yê ku dest dide ïzaha cihanê û qewimandinê dora me, zanistî ne; mako servebûniyên ku zanistîyan pêşvebirin gellek teze ne.

Nezaniya mirovên pêşîn wisa asêyekî bû jibo lêgerînên wan. Loma, di doma Dîrokê de, jiber vê né zaniyê, em dibînin ku ol (din) peyda dibin û dixwazin ew jî cihanê ïzah kin, lê bi hêzên(qewetên) serxwezayî. Ev ïzahe ke dijîzanistî ye hê dî hêdî nav sedsalan de, ewê zanistî ges, bibe, ewê mirov bicêribînin cihanê bi kiriştên dendî (maddî) yê cêribandinê zanistî ïzah kin û ji vê ye kî ye, ji vê daxwazâ bi zanistîyan ïzaha tiştan e ku dizê felsefa materyalist.

Em dîkin, di rûpelîn ku têne de, hîn bîn materyalîzm çî ye. Lê ji nihade me divê bidin hişê xwe ku materyalîzm ji ïzaha zanistîya gerdûnê dertir tiştek nîn e.

Di hînbûna dîroka felsefa materyalist de, emê bibînin çiqas şerê dijî nezaniyê zehmet û dijwar bûye. Divê em bibînin ku di roja iro de ev şer hê neqedîya ye jiber ku materyalîzm û nezanî dom dîkin li tenışta hev dimînin.

(dûmahîk heye)

GULÊ, DAYIKA SORESGER

Xwendevaneka me ji
me re nameya jêrîn
şandiye.

Ez jineka Kurd im.
Kovara weya jêhatî
kete destê min. Hûn
nizanin çiqas dilê-
min geş bû. Gellek ez
serfiraz bûm, wextê
ku min kovara we ya
hêja dît. Di rûpela
rizgariya jinan de
min derdê xesî û lê-
xistinê xwend, mi ji
xwest ez ji xuşkên
xwe re, brayê xwe re
meselek bêjim, li ser
xebata jinê kurd.

Her wekî hûn diza-
nin jinê me gellek
stem û nexweşî dîtin.
Tevî bela û müsîbe-
tên ku hatibûn serê
wan, wan dîsa ji di şe-
rê xelkê xwe de cîhê
xwe digirt. Çiroka me
ya piçûk wê ji we re
bide zanîn, çawa xuş-
kek me li Kurdistan
bindest xebata xwe
bi hêvî û bisebr kir.

Serpêhatiya gulê
Gulê jinek dilovan
û welatperwer bû. Jin-
nek nezan û nexwenda
bû, lê hezkirina mîl-
letê ketibû dilê wê
bi awayekî xurt. Du
kurê xwe kir goriya
şoreşa kurdî. Wextê
ku ji xura ma, rîya
kurêna xwe berneda û
xwe kir nav şerkera,
nizanbû bi kîja away
arîkariya wan bike.
Nanê wan dipat, cilê
wan dişûşt, xwarina
wan çedikir, ji hemî
yara dayîkek bû.

Rojek leşkerên kurd
diviyan nameyek bigê
hînin hevalên xwe, lî
cîhek dûr hizra xwe
dikirin kî bişînin-
kî neşînin. Wexteke
Gulê hat pêsiya wan



û ji wan re got: "Ku-
rên min işê we hêsa-
nîye, nameya xwe bi-
dine min û ezê bigê-
hînim". Li hevdû nihê-
rin û jê re gotin:
"Yadê ma tu dikarî
rojêk peya herî?". Gû
lê: "Ez gorî we bim,
ma ez ji we çêtir im?
Ez nikarim tifing
hilgirim, lê lingê min
bi xurt in".

Namê bir û gihad.
Ji wê rojê bisûnda
hemî leşkera Gulê
naskirin û rûyê wê
yê biken, bîra dayik
û xuşkê wan dihanî

bîra wan. Navê wê ki-
rin "Berîd" û kîfa
wê gellek ji vî navî
re hat. Çûn û hatinê
wê gellek bûn. Eskerê
bêbext jê şik kirin
û rojek wê girtin. A-
vêtin hepsê û wê ta-
zî kirin, gellek êşan-
din tiştê nebûyî a-
nîn serê wê. Lê nav
hemî zûlm û êşandin
Gulê devê xwe vene-
kir. Tade û cefayênu ku
Gulê kişandibû çavê
wê netirsandibûn, wê
navê leşkerên ku li-
ber dilê wê ji jiyanâ
wê birûmettir bûn,
neda, li wan gili ne-
kir. Piştî nehmehê
girtîgeh û zîndanê
û jiber jan û êşîkên
ku li wê der girtibû
Gulê mir, bi xewna
Kurdistanê AZA!...

Jineka Kurd



NETEWEYEKİ KU LI
YEKİ DIN ZORDESTİYÊ
DIKE, BIXWE JÎ NE AZAD
E.

Karl MARX



ENTERNASYONALİZM JIBO
GELEKİ BINDEST, XWE JI
NIRÊ EMPERYALİZMÊ Û
ZORDESTİYA NETEWEYİ
RIZGAR KIRIN, WELATEKİ
AZA Û SOSYALİST AZA-
KIRIN E. □□

Xebata Yekîtiya

Xwendekarêن

Kurdistanê li Fransa

Ev bûn nêzî du salan ku xwendekarêن Kurdên li Fransayê di bin navê Yekîtiya Xwendekarêن Kurdistanê li Fransa (YXKF) di xebitin. YXKF komeleyeke serbi-xwe ye, ne bi KXKE a pêgirtiyêن PDK a Barzaqî ne jî bi AKSA ya hevalbendêن Talabani ve girêdayî ye. Hê di destpêkê de, di dema sazbûna xwe de YXKF da zanîn ku ew "dixwaze berî her tiştî di nav rêzên xwe de hemî xwendekarênen welathiz, baweriyêن wan ên siyasi çi dibe bila bibe, bîcivî

ne, ji wan re bibe maleke hevra-yî û komelî. Ew ji Kurdên ku ji çar perçeyêن Kurdistanê têن re imkana hevûdinnaskirinê, ji hevfehmkirinê, ji hevhizkirinê dide da ku dewsa valahiyêن ku çend dehsalêن cihêjiyan û perçebûna welatê me dane peydakirinê piçek be jî dagire, li nav şoresger û şerkarêni mîsteqbelêñ hereketê Kurd ji niha de girêdan û têki-lîyên dostanî yêñ xurt bide saz-kirin"

Armanca vê benda kin 3-Tenzîmeke demokratik ev nîn e ku dûrûdirêj û federalî li ser dîrok û bernamê ya YXKF bimîne, lê bi kurtî kirin û xebatê wê bide naskirin. Te nê em bêjîn ku biryara (qerara) sazkirina komaleyeke serbi-xwe bi si vîkahî nehatîye dayîn. Berî vê biryarê, hevalîn Fransayê bi mehan jibo parastina yekîtiya tevgera Xwendekarêen Kurdên Ewrûpayê ser kirin. Li ser çi bingehî? Ser çend bingehîn se-reke: 1-Maslehetên hindurî û dervayı yêñ şerî rizgariya gelê Kurd li Ewrûpayê komalekî yekbûyî û xurt dixwaze ev komele divê bibe sembola yekîtiya manewî ya Kurdistanê, dengê gejîê Kurd li derve, cî-gehê hevûdinnasî, tevka-riye û xwe gîhînê jibo keç û xortêñ Kurd? 2-Komel nabe ku bibe dûvika hêzeke siyasi ya perçeyekê Kurdistanê.

4-Pêwistiya Serê ideo-lojîk di nav rêzên komela yekbûyî da. Divê ku xwendekarên pêşverû şoresger li hemberî baskên paşverû, diz, çar alîxur û keysperest şe-reki xurt bikin, seroki tiya komelê têxin des-têñ xwe, komele ji peyâ yêñ diz, firotî û yêñ ku tu eleqa wan û xwen dekariyê tune ye paqîj kin; hilîm û vejîneke nû bidin tevgera xwendeka-ra kurdi, wê di nav tevgera xwendekara pêşverûya cîhanî de têxin xwedîyê ciyekî bêrbîçav.

Xeynî derxistina belavokan, hevalîn Fransayê, jibo bîcîhanîna vê armancê di meha temmûza 1976 an de nemî-nendeyêñ "Komîta Ama-dekirdin" û yêñ KXKE li Parîsê civand. Lê ji vê civînê tişteki misbet derneket. PDK a Iraqê jî, hevalîn Tala-

banî ji biryara xwe ji berê de dabûn, heryekî, jibo maslehetên xwe yêñ piçûk û bi bêmesûliyetekê temamî, dixwas-tin bibin **xwendîyê** kome-lekî di emr û dûvika wan de. Û pêlekî sûnda perçebûna Komelâ Xwendekarêñ eskere û resmî bû. Pîstî vê yekê ys ku xwendekarêen Fransayê nehatîn leyistika "Kî ne bi Talabani re be Barzanî ye", "Kî ne Barzanî be hevalê Talabani ye". Ewan ji xwe re riyeke nû, pêşverû û serbi-xwe danîn; keysperestî, bêmes'ûliyet û bêciddiyeta her du komalan ji xwendekarêen Kurdên Ewrûpayê re diyar kirin.

Di van du salan de li Fransayê çi xebat hate kirin?

Di warê tevgirêdan û tenzîmî de berbi rast-kirin û pêşvebirina zîhniyet û bingehîn de-mokratî de gavekî mezin hate avêtin, her çi

qas hê armanca demokratik dûr be ji. Di YXKF hemi pêplûkên hiyerarsiye wek "serok", "sekreter", "komîte" hatine hilanîn. Xebat li nava "komîn xebatê" hatiye par kirin û her endame kî bi hindikî di komekî de kardike.

Jibo gihadina siyasi û çandîya endamên xwe YXKF di cîgehê xwe yê Parisê de pirtûkxanevê merkezî sazkiriye tê de bi kurdi, tirkî, e rebi, fransizi, ingilizî pirtûk hene liser pir sên cihê-cihê. Dîsa jibo vê armancê semîner hatin çêkirin liser dî roka Kurdistanê, liser zman û edebiyata Kurdi demekî dersên zmanê kurdi û zmanê fransizi jî hatine dayîn. Hin heval ji heftê carekî di civin û bihevre pirtûkên ideolojîk û liser diroka tevgerên şoresger dixwînin, minaqesê dîkin. YXKF hê di belavoka sazbûna xwe de "gi handina endamên xwe" ji xwe re karekî hîmî dihesiband.

Di warê xebata nav karkerêñ kurdêñ ku li dora Parisê dimînin jî hin tîst hatine kirin. Lî jiber hin sedeman (kêmasî û belavbûna karkerêñ kurd li Parisê, kêmaniya militanêñ gîhistiyêñ ku dikari bin di nav karkeran de xebatekî siyasi bikin) ev xebat hê di pêplûka destpêkî de ye; pêşvebirin û xurtkirina wê ferz e.

Pirtûk, afîş û belavok

Jibo rewşa gelê Kurd bi fransizan û xwendekarêñ biyaniyêñ ku li Fransa dixwînin bidin naskirin, endamên YXKF her hefte li ber derê Zanîngehêñ Parî-

sê (û carna li baja-reñ din)" stand "êñ pir tûk û afîşan çêdikin, li ser diwarêñ kuçe û kolanêñ berbiçavtirêñ Parisê sloganan dini-visînin, tevî sev û mitingêñ çandî û siyasi yêñ tenzîmêñ pêşverû dibin. (Partiya Sosyalist, Partiya Sosyalist ta Yekbûyi (PSU), Lutte ouvrière, hwd.)

Di nav du salêñ xebatê de 12.000 afîşen li ser Kurdistanê li çaralîyêñ Parisê hatine zeliqandinê. Ji belavoka ku li dijî zor destiya ku rejîma Iraçê li gelê Kurd dike bi tevîbûna komeleyêñ Xwendekarêñ Tirkîyê, Iran, Iraq, Fransa û federasyona xwendekarêñ Amerîka Latinê hatiye çêkirin, 18,000 hatine belavkirin. Belavokeki ji li ser rewşa gelê Kurd li Sûriyê çêbûye û jê 5000 belavbûne. YXKF Belavokeka agahdariya giştî li ser Kurdistanê

nê pêk anîye û ji wê di sev û mitîngan de 10.000 belav kirîye. Dervayî wan, bi zmanê Kurdi ji li ser pir-sên cihê (sazbûna YXKF e, biryaren civînan, şerê Barzanî û Talabaniyan) hwd..) belavok çêbûne.

YXKF li ser rewşa Kurdistanê pirtûkoke 32 rûpel bi Ingilizî û fransizi çêkiriye. Ji çapa 1977 an 1000 hejmar hatine firotan an = şandin jibo roj name û sefaretan! Pirtûkoke din di bin navê "Perçiqandina Gelê Kurd li Tikiyê" derketiye. Ew 20 rûpel e. Ji çapa fransiziya pêsin 700 hatine firotan, çapa diduyan derdiketiye û Ingiliziya wê ji di çapê de ye. Gellek rojnamevan û nvîskar di nvîsarêñ xwe yi li ser Kurdan, agahdarîyêñ xwe ji van her du pirtûkokan stendine.

Şevêñ çandî û folklorî

Şaxê dinê karê dan-naskirina Kurdan, çêkîrin û tevîbûna şevêñ çandî û folklorî ye. Koma govend û dîlanêñ YXKF bi arîkariya deng bêj û tembûrvan Temo heta niha gellek konserên serbixwe daye û wisa ji tevî newrîza Xwendekarêñ İranî, Seva Piştegiriya Arjantînê, Seva Xwendekarêñ Tirkîyê, mitînga Komela Fransa-Kurdistan û cejna "Lutte Ouvrière" bûye. Ev konser hatine eci-bandin û hizkîrinê.

Xebata du sala bi çend rîzan giyar kirin ne hêsa ye. U em nikarin bêjin ku her tîst li Fransayê mikemmel

e. Kêmasî, xeletî û sistî hê hene.

Em tenê dixwazin nisan din gava ku çend xwendekarêñ Kurd bi dilsozî, destê xwe bîdin hev û hinek ji wext û peren xwe fedakarî bikin dikarin, bî arikariya tu hêz, parti grûbîn siyasi, jibo gelê xwe xebatekî qenc bikin. Heye kû xwendekarêñ Welatêñ din ji çav bidin me, xebata xwe bi edilînin û hê ji me ji derbas bibin. Bila beza nava me ya Xebat û xizmeta xelkê be.

Komekî
Xwendekarêñ Kurdêñ
Fransayê



ENİYA XWENDEKARAN

PIRSA AKSA

Tevgera Xwendekarên Kurd li Ewrûpayê demekî tarî û dijwar derbas dike. Perçebûn, palemîkên hinduri, belawelayî hêzên wê yên jiyanî qels kirine. Gellek xwendekarên dilsoz, welat parêz, şoresger ji xwe re li rêkî digerin ku ji van tariyan derkevin, hevdesaziyeke xurt bê pêkanîn û ji şerê rizgariya gelê Kurd re xizmetekî bê kirin.

Di hejmara 1 a de, em li ser Komela Xwendekarên Kurd li Ewrûpa (KXKE), "Komela kevn" ma bûn; me xwezaya wê bi xêzên stûr diyar kîribû gotibû jibo ci ev Komele, ku îro di bin qemçika PDK a iraqê di nav destêن kesên keysperest û pasverû bi kêrî xebatekî ciddî nayê û asêyîyek e li ser riya pêşveçûna tevgera Xwendekarên Kurd. Tê de çibigre tenê Kurdêن Iraqê yên bi PDK ve girêdayî ma ne û xeynî navêkî vala tu tiştikî wê nemaye! Emê di vê hejmarê de, bi kurtî li ser pîrsa AKSA yê bimînin.

Piştî du salêن jiyanekê sist û tijî dijhevî, Komela Xwendekaranî Kurd le Derwey Welat (AKSA) niha demekî jihevketin û pelişandinê dijî. Di Kongera wê ya dawîn de piraniya endamên wê yên ji Kurdistana Tirkîyê û hin ji Kurdistana Iranê xwe ji heval û heval-bendêن Talabanî cihêkirin. Bi vî awayî hêvî û xewnen ku hin hevalên dilsoz û pêşverû bi dilekî pak di tengâ AKSA yê de xwedî dikirin hilweşîyan.

Ev perçebûn û jihevketin di cîhkî de nayerevîn bû, miqedder bû û jibo pêşdîtina wê kehanet ne pêywîst bû. Gellek kesan hê di destpêkê de bala Xwendekarêن pêşverû li ser vê yekê kişandibû. Minakî, di belavoka xwe ya kanûn 1976 an de Yekîtiya Xwendekarên Kurdistanê li Fransa awha digot; "Bi veqetandin û sarkirina Komeleyekî nû, hevalên K.X.K li Derveyî Welêt mes'ûliyetekî mezin dan ser milêن xwe û derî li perçebûn, hûrbûn û belabûna tevgera xwendekarê kurd vekirin. Bi heval tî û girêdanêñ digel"Yekîtiya Nistimanî" keysperestiyekî ecêb kirin û bi vî awayî hinek militanêñ Kurd ên pêşverû şaskirin, kirin xeletiyê. Em bawer in ku dê ew bi xwe jî di demekî ne pirdirêj de bi tevger, li hevkirin, kumguhartin û bêistiqrariya hevalbendêñ xwe heyirî û ecêbmayî bimînin û tevkariya wan nikare pir dom bike".

KOMELEKÎ MİRÎ-ZA

Sedemêñ ku ewê rojekî AKSA yê jihevxistina hê di sazkirina vê komela mirî-za de mewcût bûn. Di tahlîla dawîn da, AKSA hate sazki-rin jiber ku Yekîtiya Nistimanî dixwast ku komeleyekî ya di bin kontrola wê de hebe. Ji 1969an bi şûn de KXX li Ewrûpa ji binî ketibû destêñ PDK a Iraqê. Di şûna ku bi xwendekarên pêşverû yên Tirkîye, Iran û Sûriyê re şerekî ideolojîk û siyasî xurt di nav rîzên vê komelê de bikin û wê ji destêñ PDK ê derxin, ew jî di tevgera xwendekarî de cîhekî li gorra hebûna xwe bigirin, hevalên Talabanî bi lez û bez û bi bêmesûliyetiyeke temamî komeleyekî taybetî danîn ku tê de dikaribin bî bin hakîmî mutlaq. Hînbûnêñ salan, metodêñ ne demokratîk bi derbekî wînda nabin: Talabanîst jî wekî Barzanîstan timî bi çavêñ "serekîn tevgera kurd, berpirsiyarêñ şoreşa Kurdistanê" li xwe dinêrin, meznahî, serwerî û serokatiya tevger an komelê weka ku mafekî (heqekî) wanê zikmakî, xwezayî(tâbî) be. Ew tucar ji kîrta xwe na kevin û Kurdêñ perçeyêñ Kurdistanê û din, li nik wan, tenê dikarin bibin dûajoyêñ ku fermanêñ "serokatiya şoreşê"bicîh bînîn û jibo "arîkariya şoreşê" bixebeitin.

Gellek hevalên ku bi gotin û danezanêñ wan ên "çep" xapîyan,

hinên din ên ku ji awayêن paşverûyêن serokatiya KXXKle Ewrûpa nefret dikirin, nedixwastin îndî sîya Barzanîstan bibînin, bawer dikirin ku ewê bi dijwarî be ji dikaribin di AKSA yê de xebatekî pak û pêşverû bikin. Di nav du salêن tevkarîyê bi çavêن xwe dîtin ku ne tenê karekî nayê kirinê lê ew tenê ji keysperestî ya Talabanîstan rex dîbin xêlî û "temînate ke" çep! Iro îndî rastiyêن jêrîn nayêن veşartin:

1° Li ser "xwezaya pêşverû" ya Ye kîtiya Niştimanî kêm kes hê hêvî yan xwedî dîkin û xewna dibînin. Yekîtî ne tenê nikaribû tevgera çekdarî û berxwedana siyasî li Kurdistana Iraqê vejîne lê ji destê siyaseta keysperest, bêbin-geh û bêbasîreta serekên xwe di şerê heyîn û neyînê de ye. Wekî ku dihate pêşdîtin Sûriye û Iraq li hev têن û arikariya Asad ewê li ser wan bê birîn. Piraniya se-rekên Yekîtiyê iro girtîyêن PDK ne û Yekîtî li dû berpirsiyarêن PDK ye jibo wan bide berdan. Talabanîyê "şoreşger" li Iran e û Sa-vak pê qenc dizane. Xwezûr û mamosteyê wî İbrahim Ehmed geh li Tehran, geh li London geh li Şamê ye. Di vî tengasîyê de hevalêن Talabanî carekî din dixwazin bi Bexdayê re lihevbêن; lê herwekî ew ne hêzekî berbiçav in Bexda guh nade wan û tawîz nade.

Ev rewşa han, bixwaze nexwaze ewê xwendekarê pêşverûyê ku ji keysperestiyêن nihayî û borî yêن Talabanîstan nefret dîkin ji AKSA yê dûr bixîne û AKSA nikare van xwendekaran -en ku piraniya xwendekarêن Kurd li Ewrûpa ne-ku li derveyî çembera Talabanî-Barzanî ne, bigihîne hev. Ev bêkarîna ku hê di sazbûna wê de hebû iro îndî piştî du salan qenc zelal bûye.

2° Bi xebata xwe ya du salêن da-wîn jî AKSA ji xwendekarên Kur-dêن Ewrûpa re mîsalekî nû, misbet, demokratîk ne anîye. Xebat dîsa wekî dema komela berê, derxistina çend belavokan e û çêkirina New-rûzan e. Ew jî ji bin serê "Komî-ta Birêvabirî Giştî" ye ku benêن wê çend kesên eyan dikşînin. Kare piraniya endamêن din "fîguranî" ye, ne bi awayêن awaha ye ku ewê şoreşgerêن wêbêyê bigihîjin.

Di milê din de tevgera xwendekarên Kurd ji tevgera xwendeka-

rêن cihanî ji berê bêtir tecrît bûye, ne di forumê navneteweyî, ne di festîvalêن xortanî yê de dengê Kurdan nayê bihîstin.

3° AKSA, liser bingehekî "îdeolo-jîk" û "çepîtiyê" saz bû, liser xwezaya vê "çepîtî" yê bihevke-tin miqedder bû. "Şoreşgerê" bûr jûwazîya piçûk, maoist, anti-kommü-nîstîn veşarı û şermezar û milî-tanê sosyalîst nikaribûn demekî dirêj li ba hev bimînin û bihev-re bixebeitin. Û ev dijheviya des-pêkî di kongra dawîn de derbû, teqîya.

4° AKSA di bin tahakkuma Yekîtiya Niştimanî de ye û bi "xwendekarên ebedî" û "Talabanîstîn neto-bedar" re kap avetin tewş e. Wan jiyana xwe bi pirsên "nîzam" û "destûr" an derbas kiriye. Bi wan re serî nayê derketin û islah û nûve kirina AKSA yê ne mimkin e!

Cî Dîkin?

Mij û moraz hêdî hêdîfirediki-şin û hewa siyasî berbi sayîbûnê diçe. Şertêن ji nûve hevdesazki-rin û tenzîma tevgera xwendekarârân niha ji yên berî du-sê salan çêtir in. Xuya ye ku jiber paras-tina kêrhayêن (maslahatêن) xwe PDK û YNK ewê timî bicadînin ku her yek xwedîyê komelekî bin. Is-lah kirina KXKE û AKSA xewnekî tewş e! ne mimkin e! Divê ku xwen-dekarêن pêşverû û demokrat liser bingehêن federalî û demokratî Konfederasyoneke bikêrhatî, bibin geh, ji keysperestî, leyistikîn si-yasîyêن piçûk, dûr, anti-emperya-list, anti-feodal saz bikin. Tê de xwendekarêن hemî perçeyên Kurdis-tanê dikaribin bi zihniyeteke de-mokratîk û bratî kar bikin, xwe hînî şerê şoreşgerî bikin û şûna xwe di şerê rizgariya gelê Kurd û di tevgera pêşverûya xwendekarên cihanê de bigirin. Divê ku in-dî tucar, tevgera xwendekaran ne-be leyistoka partiyeke perçekî Kurdistanê. Di vî warî de berpir-siyarîyeke giran dikeve ser mil-ên hevalêن pêşverû, yêن ku di kon-gra dawîna AKSA yê de ji heval û hevalbendêن Talabanî qetîyane. Do-za serokatiya AKSA kirin tiştek-nade. Divê ku ew xwe bigihînin xwendekarêن şoreşgerêن ku li hemî welatêن Ewrûpayê (Fransa, Swêd, Italya, hwd..) zehf in û xebateke arîzî dîkin û bi hev re karekî hevrayî, pêşverû, qenc pêk bînin, tevgera xwendekaran têxin ser ri-yekî têkûz. Dem zûda hatiye!

MİRİNA EREB ŞEMO

Nvîskar û şoreşgerê kurdayî navdar Ereb Şemo roja 29 ê hezîranê li Erivanê mir. Xelkê Erivanê û dorêne wê Kurd û Ermenî heta 3 ê tirmihê li ber tabûta wî ya ku li ma-la Xebatkarêne pişeyê Ermenîstanê hatibû rastkirin bihu-rin û lê silava dawîn kîrin. Cenazê wî li Panteona Eriva-nê bi amadebûna serekên PK a Ermenîstanê û dewsgirtiyê Se-rekê Sovyeta Komara Sosyalîsta Sovyetiya Ermenîstanê hate vesartin.

Ereb Şemo kevntirîn û navdartirîn nvîskarê Kurdêne Sovyetîstanê bû. Ew di sala 1897 a li gundê Sûsizê, li dorhêla Qersê ji diya xwe bûbû. Bi arîkariya bext û wisa jî ji ber zîrekî û ezma xwe çû xwendegahê. Di navçeya tevlihev û pirnetewe-yî ya Qersê de hê di zarokahiya xwe de hînî tirkî, rûsî û ermêmî dibe û di salêne şerê cihanê Yekan de, heta 1916 an di alayekî Kazakan de **wergerti** (tercimanî) dike. Berî wî bi salan şivanî kiribû.

Di sala 1916 an de guherandinekî **mezin** diqewime di jiyana wî de. Ew di kargehêne çê-kirina rêhesin de rastî bolşevîkan dibe bof şevîk pê binêzîkî bî lî dibînin û wî wekî mîlîtanekî şoreşger digihînin û dişînin a liyê Sariqamîşê jibo xebata şoreşgerî. Li wê derê çendekî di girtîgehê de dimîne. Lê îndî aw bolşevîke-kî xurtî xwedî bawerî ye. Jixwe hê disala 1918 an de ew dibe endamê Partiya bolşevîka û di nav rezên Şer karêne Sor de şerê leşkerên dijî-şoreşgerên Spî dike.



Ereb Şemo di warê rastkirina sovyetan li nav gund û eşîrên Kurdêne Kafkasyayê xebatekî gellek berbiçav bicîhaniye û heta jê hatiye jibo qewîkirina rejîma Sovyetî şer kiriye. Kengî Sovyet îndî bicîh dîbin, şerê hindur bi serfiraziya leşkerên Sor diqede, ew ji 1924 an bişûnda xwe dide xeba ta pêşvebirina cemae-ta Kurdêne Sovyetîstanê û li Ermenîstanê cîwar dibe.

Wê demê di nav wan Kurdêne ku hê di tariyê heyama Navîn dijîn yêne ku bi xwendin

nvîsandin dizanîn bi tiliyê destekî diha-tin jimartinê. Berî her tişta diviya bûku jibo belavkirina xwendinê elfabeka kur-dî bihata çêkirinê. Bolşevîk û Kurdhizê file Lazo jibo zaro-yên koçerên Kurd re li Tiflîsê xwendegehe kî vekiribû û wan bî elfabeya fileyi hîndî kir. Lê ev elfabe qet li zmanê kurdî nedihat û hînkirina wê dijwar bû. Dawiyê Bolşevîk vî karî didin ser milê zaneyê navdar Maragû-lof û Ereb Şemo jî arîkariya wî dike; elfa ba latînî di sala 1929 an de tê pêkanîn

SERÊ HÎNBÛNÊ

Gava ku rejîma Sovyetî jibo gihadina ma-mosteyêne Kurdi, li Erivanê "Texnîkûma Kurda-ya Pedagojî ya Pişt-kafkasyê" vedike, Ereb Şemo dibe serekê wê yê pêşîn. Di wan salêne "şerê hînbûnê" de, Fakulta karkerî ya rex Instîtûta Rohelatnasi ya Zanîngeha Lenîngrâdê di bin serokatiya Orbelî dest bi gihadina kadroyen kurdêne pêşîn dike. Erebê Şemo di vî eniya şer de, di şerê çandî de jî amade ye. Ew ji 1931an bi şûnde çend salan li

ser dîrok û zmanê Kur
dî dixebite,dibe do-
çent,rêzmanekî kurdî
pêk tîne û lêgerîneye
ke kurt liser "Pirsâ
derheqa feodalîzmâ na-
va Kurda de" derdixe.

Lê bêgûman yê ku na-
vê Ereb Şemo li derva-
yî cemaeta Kurdayî
Sovyetiyê belav kiri-
ye xebata wî ya wêje-
yî (edebî) ye,romanen
wî nin.Di van romanen
de jî ya pêşîn,Şivanê
Kurd ji hemiya bêtir
nav daye.Ew liser ji-
yana Ereb Şemo,zaroti
ya wî,jiyana koçerên
Kurdên wê demê ye û
di sala 1935 an çapbû
ye.Di eynî salê de Şî
vanê Kurd bi zmanê rû
sî û gurcî û dûre bi

gellek zmanen din der
tê û Ereb Şemo navdar
dike.

Derî Şivanê Kurd,E-
reb Şemo hin romanen
din jî afirandiye.Ji
wan Berbang dîsa li-
ser jiyana wî ye lê
Dimdim romanekî dîro-
kî ye û liser Parasti-
na Kela Dimdimê û şe-
rê Kurdayî jibo rizga-
riya wan e di sedsala
XVII a de.Dimdim sala
1966 li Erîvanê bi
Kurdî derketiye û dû-
re bi zmanen sovyeti-
yen din û wisa jî bi
çekî derketiye.Tíraja
çapa rûsî ya 1974 a
100.000 e.Çapxaneyen
Komara Ermenistanê di
sala 1976 an de afi-
randinên wî di "Bere-

vok"ekî de gihad hev
û derxist.

Ereb Şemo di jiyana
Siyasîya Komara Erme-
nistanê de jî xwediye
ciyekî berbiçav bû.Ew
çend caran hatiye hel
bijartin wekî "depûta-
tê"(gizîrê) sovyeta-
bajarê Erîvanê.Xebata
wî ya jibo rejîma Sov-
yetîstanê hatiye ecî-
bandin û wî bi nîşana
"Ala Sor" û ya "Dosta-
niya Gelan" perû kiri-
ne.

Navê Ereb Şemo hê
di jiyana wî de keti
bû dîroka wêjeya kur-
dî ya hemdem û ewê
neslên wêbeyê bi saya
afirandinên wî yên ne-
mir wî bibîr bînin.

biranin ŞİVANÊ KU BÜBÜ NVİSKAREKİ ŞOREŞGER

Şevekê germa tebaxê
bû.Kelekel û tîna ro-
jê hê di hewayê da bû.
Ji Şehnesîna Mêvanxa-
na Armeniya Erîvan we-
ki quesreke periya di-
xuya,roniyen wê bi he-
zaran di nav şeva ha-
vinê de diçirisin,
stêrk û tavehîv dest
dabûn wan û deşta Re-
wanê bi ronahîyeke şî
rogerm,xewnî,dadigir-
tin.Li aliyekî Meyda-
na Lenîn xelk,bi pira-
ni keç û xort,li şere-
xa avê rûniştibûn or-
kestra bajêr guhdarî
dikirin,hinên din bi
hev yariyan dikirin,
dikenin.Deng,reng,ro-
ni û stran,ken û şahî
bedewiyeke esrarengiz
dida.Şeva Erîvanê.

Zengilê telefonê lê
xist,min ji nişkeva
wekî ku ji xewnekî şî
rîn kişand.Gelo ewê
kî bûna? Hê roja pêşî
na hatina min a Erîva-
nê bû û min wê bi he-
valê Radyoyê re deş-
bas kiribû.Qewlê min
û kesî tine bû.Min ra-
hişt hesincawê.Di se-
riyê têlê din de den-
gekî germ û sivik di-
peyîvî:"Evara te baş,
braziyê delal! Ez bol-
şevîkê kevn Erebê Şe-
mo me.Tu ji wir heta
vira bi ser çavên me
re hatiyî.Gelo tu ê
kingê werî Apê xwe bi
bînî?"Ereb Şemo,nvískî-
karê Şivanê Kurd, şo-
reşgerê navdar,merive
kî nefspiçûk,mevâhîz
û kurdperwer bû.

Du roj şûn de, tevi
hevalekî din em çûn
ditina Ereb Şemo.Mala
wî nêzîkî merkeza ba-
jîr,di yek ji avahi-
yên nû yên pirta de
bû.Malekî mitewazî û
bêdebdebe.Zilamekî ki-
nik,ne qels ne qelew,
devliken û ligora em-
rê xwe liservxe bû E-
reb Şemo.Bi nezaket û
qedirgiranî me derba-
sî menzela xwe ya xe-
batê kir.Jina wî,Ûris,
pirsa me kir û me bi
tenê hişt.

Menzel bi pirtûkên
kurdi,rûsî,ermenî da-
girtibû,liser masa xe-
batê hin kovar û pirtûkên
"Akademiya Kur-
di" diserdilê hevde
li hêviya xwendinê ra-
diwestin.→

"Gelo halê Kurdê Ro
mê çawa ye? Hê koçer
hene? Hê Roma reş li
Kurda pir tade dike? Hê hikmê beg, axa û sê
xan liser gundiyan xurt e?" Piştî çend
pirsên wilo derheqa Kurdistana Tirkîyê û
xasme navçeya Qersê, Ereb Şemo dest bi bir
anîna salêñ pêşinêñ Şoreşa Sovyeti, yêñ se
rê hindur û sazkirina sovyetan di gundêñ
Kurdan de kir. Gava ku dipeyivî çavêñ wî ji kelübînê diçirisin, hi
nek hêlesorî dikete rûyê wî, te digot qey xortaniya xwe hê ji
nûvê dijî. Diyar bû ku ji vê dema jiyana xwe
ji hemiyan bêtir hiz-

dikir "Salêñ ser pîrr zehmetbûn, brazi. Kurmancêñ me bi gotina mela û musawatistêñ à zerbeycanî dixapiyan, nedixwastin ku Sovyet bikevin nava wan. Ji wan jitirê ku ewê namusa wan ji destê wan he re; ewê jinê, wan têxin berdilê mérêñ din. Propaganda kontra-revalûsyonera ev bû; şêx û began wisa digo: xelkê cahil ji bawer dikir. Me pîrr cefa ki şand. Şikir ew roj infî dî dûr in. Niha cemaet zariyên xwe ci kur ci qiz dide xwendin: halê me xwes bûye. Tiştê awa qet ji xwe nedihat xewna me ji".

tekî negotibû. Min zanibû ku ew di wan salan de hivde salan di girtigeh û kelê de mabû, weki gellek kommunist û kesen din bêdadi û eziyet dibû, li sirgûnê jiyabû ji mirinê filitibû. Min jê pîrs kir. Rûyê wî hinek germicî, reng jê di kişiya weka ku birinêñ wî ji nûva axivîbin.

"me dabû ser
rêyekî nenas"

Qaseki fikiri û paşê gote min: Ez Komministe ki kevnim û bi kommi-nistiya xwe kubar im. Me dabû ser rêyekî nenas, rêya avakirina komminizmê, ya azadiya kar keran û milletan. Di vê rêya nenas de xeleti û şasş ji çebûne, hinek ji me pê eşiyane.

Me rojêñ tarî û tengasî ji dîye. Şikir evana hemi xelasbûn û em gihiştine roja iro. Weki piraniva "komministên kevn" Ereb Şemo ji nedî-xwest liser van qewî mandinêñ salêñ "tarî û tengasî" yê bimîne, bipeyive. Ew kareki nav partiyê bû, di derva nedihate gotin. Ü weki piraniva nvîskarêñ sovyeti Ereb Şemo ji di romanê xwe de li ser de mén dîrokîyên kevn, liser "tarî û tengasiyên" salêñ berî şoreşê an, yêñ serêñ hindur dinivisi.

Apê Ereb me heta berderî verê kir. Bi dilgiranî silav li me kir. Berî ku dergeh li dû me bigre dîsa kir: "Ji Kurdêñ Romê re silavê min bêje. Mérê çebin, çê bixebeitin. Mille-tê xwe ji koletiyê xelas kin".

KENDAL

naskirina Kirov û maksim Gorkî

Gelo di vê jiyana dirêj û rengîn de kîjan qewîmandin pir wî dilxwes kiribû? Weşeki ponijî, çavêñ xwe nîvgirt, weke ku li filma bûyerên rengînê sala temaşe bike. Dûre çendan jiwan ji nav yê di neqand: hinarikêñ wî hîlesorî bûn, bîşirî: "De ez nizanim kîjanî bêjîm. Serfiçaziya Ordiya Sor û hikmê sovyeti ji hemiyan bêtir min kîfxwes kir. Ev xelasiya me feqir, fiqare û milletêñ piçûk bû. Serfinaziya şerê weteniyê dijî naziyêñ Hitler ji me hemiyan bêhesab şakir. Dûre, hin şahîyîn din hene, weki roja ku sivanê Kurd bi rûsi derket û linav hemi milletêñ Sovyetiyê belav bû. İndî dengê cemeta kurda ji ewê bihata sakirin. Ez bi naskirina Kirov, Maksim Gorkî ji pîrr gellek şabûm."

Di germâhiya mijûlahiyê de me saetê ji

bîr kiribû û ew ji leza xwe nedikete digo qey ji hergav zûtir di geriya. Du saet û nîvê me bûbû û me nedî-xwest "Apê Ereb" ê 79: salî bêtir biwestinîn. Wî bixwe gotinê hanî rewşa niha. Şikir fro halê cemaeta me tu ji dibîni xwes e:em hemi têr û tijî ne. Kes li me tadê nake. Zariyên me ji wek yêñ milletêñ din dixweyinin ji me zana, doktor, profesör derdikevin. Erê di welatê sovyetyê pirmilleti de em milletekî piçûk in, lê bi izn û ruxseta xwe em beramberi milletêñ din intistikî me ji wan ne kêm e. Xwezi rojeki ewa ji Kurdêñ Kurdistanê re ji biha ta; ew ji weke milletêñ din serfiriz û aza bijîna.

Em li ser rabûnê. Lê hate bîra min ku Ereb Şemo li ser dawî-yêñ salêñ sîh, li ser salêñ cil û pêncî tiş

Ferhengok

Azadî: (t) özgürlük; (f) liberté
 Belavok: bildiri; (f) communiqué,
 tracte
 Bestewin: (t) idil; (f) idylle
 Bêş: (t) vergi; (f) impôt, taxe
 Bêşdar: (t) yükümlü; (f) impôsable,
 taillable
 Bingeh: (t) ilke; (f) principe
 Biyanî: (t) yabanci; (f) étranger
 Büyér: (t) olay; (f) évènement
 Civak: (t) toplum; (f) société
 Çand: (t) kültür; (f) culture
 Dereş: (t) sancak, (f) étendard
 Destpêkî: (t) başlangıç; (f) élé-
 mentaire
 Dijgiranî: (t) karşı ağırlık
 (f) contre-poids
 Dirav: (t) para; (f) monnaie, argent
 Dîrok: (t) tarih; (f) histoire
 Frotişk: (t) eşya; (f) marchandise
 Gelha: (t) nüfus; (f) population
 Girgîn: (t) somut; (f) concret
 Giring: (t) önemli; (f) important
 Giştî: (t) genel; (f) général
 Hesincaw: (t) cihaz; (f) appareil

Heyam: (t) gag ; (f) age, époque
 Heyok: (t) nesne; (f) objet
 Hilberînî: (t) ürâtim; (f) produc-
 tion
 Hilberî: (t) ürün; (f) produit
 Hilmûgulm: (t) buhar; (f) vapeur
 Hîm: (t) temel; (f) fondement
 Kevneperest: (t) tutucu; (f) conser-
 vateur
 Kêrha: (t) çikar; (f) intérêt
 Komava: (t) komün; (f) commune
 Kovar: (t) dergî; (f) revue
 Mêtîngehî: (t) sömürge sel;
 (f) colonial
 Navgîn: (t) araç; (f) moyen
 Paşverû: (t) gerici; (f) réaction-
 naire
 Peywendî: (t) ilişki; (f) relation,
 rapport
 Pêşverû: (t) ilerici; (f) progressiste
 Pêvajo: (t) süreç; (f) processus
 Rewş: (t) hal, durum; (f) état
 Sazgerîn: (t) mekanizma; (f) mécanisme
 Serwerî: (t) egemenlik; (f) souveraineté
 Suxre: (t) angarya; (f) corvée
 Şehrezayî: (t) uygarlık; (f) civilisa-
 tion
 Teşe: (t) Biçim; (f) forme
 Vegherîn: (t) dönüşüm; (f) transforma-
 tion
 Vexwendin: (t) davet etmek
 (f) inviter

* Stran û Leylan *

Ji ber këmasiya cih, em di
 vê hejmarê de tenê navê
 kasetên Kurdi yênu ku AZADÎ
 heta niha derxistiye didin.
 Her kasetekî 60 deqîqe dom
 dike, û bi 5 Dollar (10 DM).
 Hun dikarin sêlik û kasetên
 jêrîn ji me bixwazin.



azadî

► Bijarteyên Folklorê - 1
 Meqamên kevn bi Orkestra
 nûjen.

Lêdixe Orkestra Gelerî ya
 Kurdistanê.

► Bijarteyên Folklorê - 2

Kulamên Dilan - 1

► Bijarteyên Folklorê - 3

Kulamên Dilan - 2

► Bijarteyên Folklorê - 4

Kulamên Siyaran (Stranên-
 Seran).

► Bijarteyên Folklorê - 5

Blûr, Fiq (Dûdûk) û piyano

Fiq (dûdûk) : Egîte Cimo

Blûr : Şamilê Beko

Piyano : Cemîla Celîl

OSÉLIK (Disque)



Stran û leylanêñ KURDÎ

Kurdish Songs & Melodies

Musique populaire du
 KURISTAN Cante d'Amour

* Stran û Leylan **

LÊ, LÊ, WASÊ

Allegretto

CEMILA CELIL



Lê, lê, Wa . sê, lê, lê, lê, Wa . sî . na . ê, wey, wey.



Lê, lê, Wa . sê, lê, lê, lê, Wa . sî . na . ê, wey, wey.

Lê, lê, Wasê, lê, lê, lê, Wasînaê, wey, wey,¹⁾

Te p'ořsorê, lê, lê, lê, h'ine dayê, wey, wey,

T'esîrêsê, lê, lê, lê, çûře, wey, wey,

Mala Wasê, lê, lê, lê, mala wêda, wey, wey,

Wez ūradimûsim, lê, lê, lê, ji mala bavê, wey, wey.

Lenîn dibêje

{ ÇAWA MIROVAHÎ NIKARE BIGIHÊ WINDABÛNA SINIFAN(CÎNAN) BÊY GEHÎNEKA DERBASÎ YA DÎKTORIYA SINIFA BINDEST,WISA JÎ EW NIKARE BIGIHÊ TEVHEVIYA NAYEREVÎNA(MIQEDERA)NETEWEYAN TA KU EW DEMA DERBASOKA RIZGARIYA TEMAMÎ YA HEMÎ NETEWEYÊN BINDEST NEJÎ,TA KU NETEWEYÊN BINDEST AZADIYA XWE YA CIHÊ-BÛN Û VEQETANDINÊ BIDEST NEXIN. }

Oeuvres (Afirandin), 22, p. 159



Jibo nêzîkbûyina hêz, bêşok û komikên soreşger û welatparêzên Kurdistanê dixebite.

Bi arîkariya komekî Xebatkar û Xwendakarêñ Kurd derdikeve.Bi tu parti û hevdesaziyêñ tu perçeyekî Kurdistânê ve negirêdayî ye.

Berpîrsiyarê	gîstî :	K E N D A L
Nûisekari	:	E V D O
Berpîrsiyarê	malhebûnê:	H.KARACA
Foto-Maket	:	J.BERTOLINO
Çap	:	İsmet-Misto-Raûf

NAVNIŞAN (adres): KOVARA AZADI

B.P.378 75625 PARIS CEDEX 13 France

•DIRAV(pere)li ser navnîşana AZADI

CCP n° 23 37 449 L Parîs/ France

azadî
KOVARA MARKSISTA KURDI

KURDISTANA AZA, YEKBUYI, SOSYALIST!